

貴池縣志卷五

知貴池縣事陸延齡重修

輿地志

水利

中和塘

舊志在城北百步許

下湖塘

舊志在城東

晏公塘

舊志在池口晏公橋內魚利屬官其塘距民塘埂田埂為界

橫塘

舊志在崇義鄉葛仙洞下表二十餘丈廣半之深無度

張家塘

舊志以御史廷瑞名在縣治西今廢

貴池縣志

卷五

輿地志

水利

戚公塘

舊志在鍾英門外順治中戚司理良宰初浚邑紳陳以運立石記之

月塘

舊志在齊山寺前官以界僧執照今為豪強者所奪

池塘

舊志在城東南四十五里其水滂然上泛灌田百畝

夏塘

采訪冊在城南七十里谷村塘深無底灌田數百餘畝

毓秀塘

舊志在祝聖寺前明知府何紹正築魚利屬學有碑

翠微隄

桂鏊游記池城南垂楊兩行橫湖一壩三里許隄盡處得山舊志唐時隄也見杜牧之詩萬厯中理刑秦懋義

築順治中知府顏敏修嘉慶二十二年知府蔡炯知縣盧元琛捐修按今隄多傾圯因形家說不復修築故也新纂

按是隄之築以便行人而形家以為不利於池之官

民汪道昆所謂登高墉若流矢也有能復青雲舊隄

則官民並受其福

阮自華雨走齊山隄

雨中被酒岳王臺盡插山花繞髻開隄上一時呼北阮角巾未墊不歸來

王大初過齊山隄

猶記當年宛在亭於今秋水正盈盈湖隄只畫蘇公像自古誰曾浪得名

青雲隄

齊山圖畫志隄自陽春嶺下達九華門外之興濟橋長六百餘丈萬歷間知府劉孟雷初築後知府姚士觀胡芳桂繼修康熙初知府樸懷玉重築之按隄間多斷缺有待修補新纂

貴池縣志

卷五

輿地志

水利

一一

明汪道昆秋浦興濟橋青雲隄碑記

高皇帝疆理畿內略池州而控上游連衡皖城西綰潯陽彭蠡之口是為襟領之郡不啻股肱故以秋浦名則城南一藪澤也長隄自齊山傳諸堞亘中流為平政橋登陴睨之射高墉若流矢廬陵劉公以二千石至習形家言則以郡莅隩區千雉南面第中當肅慎而左海莫為尾閭歛天門張地戶其形倒置右不有而左不宜迄今人文或未盡興民財或未盡阜胥此也於是問之郡相問之六邑長吏若都人士若庶民則皆唯唯遂決策從左畢力經營會歲事順成猶易為力易

平政曰興濟名其隄曰青雲蓋造士阜民固其所爲汲汲者也劉公以遷秩出境工役告成居無何水大至隄圯而橋亦圯劉公去而澤不留境內適以爲天厄旣聞代者爲廣信姚公則沾沾喜公嘗按部淮甸陵園糧道在焉南決高寶則開支河北淤茶城則開新河易沮洳爲膏腴且利漕政壽州水溢以澤量人大爲之隄以固祖陵且弭水患乃今專城而治境內境內幸哉公旣下車廣咨諏擇便利宣言郡縣綱紀相屬休戚相關猶冠冕之有衣裳本實之有枝葉也利郡則利六縣利六縣則利萬民是役也士觀任之與我共此者其唯

諸相君若諸令長若縉紳大夫若賢良方正博士諸生若三老豪傑皆曰惟命於是甃石爲隄輿梁翼然中峙崇修倍昔無改古名隄疏五道堰而梁之以象武林六橋仍建平政閣文昌閣凌雲閣出沒蔽虧以象瀛洲三島乘城南望則左大江右九子秋浦若天漢橋隄若虹屬天路車乘黃干旌冠蓋若輿若箠若梱載若負擔若跣若徒若端若弁繹繹乎秭楊灌木青蘋白芷之郊熙熙乎如登春臺如鏡太液如跨河鼓如涉析津莫不自適其適矣蓋自戊子春王正月首事期而告成此非悅以使民宜不及此於是郡之薦紳大夫以及三

老豪傑聚族而抵諸令長願碑成事於隄上之橋諸令長以告諸相君相君曰善新都太守齊安董公嘗承吾郡協謀居多司馬氏乃在新都願因太守公抵司馬氏不佞幸得奉教故得聞諸部署爲詳當世之求吏治者日苛有司之避吏議者日黠惻然於所當務若罔見聞慄慄然於其身懼相及也語以興作殆有甚焉司牧職在牧民求牧與芻不異秦越藉令課上最首諸侯於郡奚益姚公獨持大體先公家之急而後身圖難矣經始既躋公踵其後卒以底績此其尤難者也

是役也五美具焉以回天造以闡地靈以興人文以阜民財申之以裨歲政其斯以爲非常之事非常之功要以非常之原則公灼見之矣

千柳隄

舊志在清溪明兵備副使馮叔吉築知縣王啟棠修順治中知府梁應元修復圯知府顏敏重修

隄存間有傾圯光緒五年本府張雲漢重修柳尙待植新纂

明 余敬中千柳隄記略 敬中銅陵人按察使

清溪距郡五里而近舊有隄迹水齧寢庠江濤肆溢澤潦綿注淤淖載塗往來弗便四明馮公秉憲建牙城中毅然肩其事躬度隄形必順水勢又架石橋四以洩內瀦諸費取足羨金至民間稻田菱沼藉隄可免水患者聽從便分築名雖助

工實成己業於是咸訢訢赴公數月隄竣屹然於大江之濱隄上構水德亭瀕江爲清溪別署沿隄植柳夾道千章根盤土固繁柯稠葉垂蔭行人先是公嘗守池今復蒞猶策鉅虛之逸駕飛軫之輿馳驟於熟路卽捷若章亥奚惑焉他日以千柳爲甘棠之思

何公隄舊志在城西新河口長四十丈高三丈以障江水明正德十一年知府何紹正築

明張輝何公隄記略輝石埭人僉憲

何公隄舊名新河距郡六十里許沿江上流有石磯二運餉者患焉晉發運使周湛役三十萬夫作支流數十里以避之

貴池縣志 卷五 輿地志 水利 五

蓋計一時小利不計後日大害也歲久江溢衝齧潰決瀦爲大河瀕河田地悉爲渰沒爲害遠矣正德九年何侯紹正作守政通人和躬詣其地而相度之乃運土塞其河河之外又築大隄以扞江水開其南以走漲溢通其道於商旅往來於是轉魚鼈爲稻梁變潢汙爲膏腴民樂其功之成也名其隄曰何公蓋與白公隄召伯埭同一意也

按開新河事見宋史周湛傳記以爲晉誤

護城隄采訪冊在九華門外城根知縣盧元璠築

紀家壩采訪冊在下二保江南通志在府南二十五里處土鞏疇棲隱處

白苕陂 江南通志在府西南二十五里唐處士輩疇棲隱處舊志今稱苦竹阪

桃湖陂 舊志在玉鏡潭之上一名桃花陂

古遊陂 江南通志在貴池縣境灌田四百餘畝舊志在義三上保

穀俗陂 舊志在義三上保

芒屨陂 採訪冊在梅村相傳岸闊灘急屢築屢圯有仙人經過擲芒鞋於此堰遂成灌田千餘畝

唐田堰 採訪冊近梅村灌田六百餘畝

羅坦陂 江南通志在開元鄉灌田二百餘畝

港北堰 採訪冊在梅村河北灌田二百餘畝 按此堰久廢田盡坍塌咸豐間稟請詳豁有案新纂

官堰 採訪冊近梅村灌田千餘畝

貴池縣志 卷五 輿地志 水利 六

新村堰 採訪冊在治西百九十里灌田二百畝

深潭堰 採訪冊在治西百八十里灌田二百畝

唐村堰 採訪冊在治西百六十里楊家田灌田二百畝

青山堰 舊志在城西南

黃屯堰 舊志在城東南六里灌田數千畝

石陂堰 舊志在義一上保

長逕堰 舊志在崇義鄉

虹昇橋堰 舊志在城西二保

黃荆堰 江南通志在池城西南八十里受諸澗水以溉田舊志本古堰今修築受汪洋潭壘穿山洞泉水

大陂堰

舊志其源受大洞諸水在城西南九十里

黃泥隴堰

舊志其源受灰阮泉井諸水在城西南九十里

查村堰

江南通志在池城西南一百五十里受諸山溪之水灌田百餘頃舊志堰受獅龍山泉及北山西巖諸溪水灌

田一千二百餘畝明知府趙安劄耆民查長才督築古溝闕淺者浚之曲防者撤之田分上中下三段灌先下段豪強專利者罰歲賴以登

西溪堰

舊志在仁四保合上下西溪諸水一名胡家堰

陳田堰

舊志在仁三保受西山下洞泉而東南諸水匯焉極旱不涸惟驟雨溪漲農人輒有澇憂

徐川堰

採訪冊在治西二百里灌田二百餘畝

大阪堰

採訪冊在仁四保灌田二百餘畝

貴池縣志

卷五

輿地志

水利

七

高田堰

江南通志在貴池西南受黃山三十六源水灌田二百畝舊志在孝一保土名大壩

石田堰

採訪冊在治西百九十里灌田百餘畝

以上漆志附新纂

清溪壩咸豐九年粵賊韋志俊投誠十月閒水師統領李德麟派近城十五保民夫於下清溪口築壩蓄水保護城池旋被賊掘去十一年八月克復池城水師統領楊載福彭玉麟復令築壩保城嗣因洪潮漲漫壩頭冲破同治元年建字營都

司李濟元督兵修築子壩

採訪冊

同樂圩

在下一保同治四年築

長春圩

在下一下二下四等保光緒三年築

同慶圩

在下一保光緒三年築

團園圩

在下一保光緒六年築

曾渡圩

在鳥落洲光緒五年築

天成圩

在下一三保光緒五年築

武梁洲七圩

在受二保

太平圩

在下一保以上一二圩俱係老圩築年失考

按池州山多田少境內所產無居民半歲之糧日仰給楚豫皖桐以為食明劉徵君城所謂稻梁百物待

貴池縣志

卷五

輿地志

水利

八

命客舟商賈裹足池乃坐困也山田高而溪水下或
甃石中流或以蓄蓄水民頗習於稼穡不勸而勤三
邑枕江銅東稍有圩隄之利而貴池瀕江田畝圩岸
缺如十年九溢若陂而障之庶幾石田悉化為沃壤

歟

見安徽通志語頗有益於地方附載於此以俟後之人采擇焉

以上新纂

運道

貴池漕運由清溪五里達於江江南通志云由廣濟河入江廣

濟河即清溪

漆志

